



Dokumentet er ikke ferdig enda

**Notat**

Dato: 24.05.2017  
Arkivsak: 2017/4387-7  
Saksbehandlar: trowah

---

Til: Hanne K. Vie

---

Frå: Trond Olav Wahl

---

## Akvakultur i kommuneplan for Samnanger kommune 2017-2027

### Framlegg til vedtak:

1. Utval for kultur, idrett og regional utvikling meiner at akvakultur i stor grad er ivaretatt i planfremlegget frå Samnanger kommune.
2. Utval for kultur, idrett og regional utvikling står kommunen i å leggje til rette for nytt område for akvakultur ved Hetlevika.
3. Utval for kultur, idrett og regional utvikling ber kommunen om å vurdere grundig om det er fleire område som egnar seg til akvakultur i kommuneplanen.
4. Utval for kultur, idrett og regional utvikling står kommunen i utvidinga som er planlagt av akvakultur område ved Nygård/Steinastykket.

### Akvakultur i kommuneplan for Samnanger

I gjeldande kommuneplan frå 08.11.2013 er det registrert 2 aktive lokalitetar i sjø, lokalitet Sagen 2 og Nygård. Det er i tillegg eit settefiskanlegg Sagen, på land.

Område A01 Sagen på land vert også utvida noko.

Lokalitet Sagen 2 fekk dispensasjon til etablering frå kommuneplanen 27.04.2010. Lokalitet i sjø er teke inn i planen.

I høyningsframlegget legg kommunen til rette for eit nytt område A04 Hetlevika samt at området ved A03 Nygård vert utvida noko.

### Generelle kommentarar

I Nasjonale forventningar til regional og kommunal planlegging av 12.06.2015 heiter det mellom anna at «*Fylkeskommunene og kommunene sikrer tilstrekkelig areal til fiskeri- og havbruksnæringen i kystsoneplanleggingen, og avveier dette mot miljøhensyn og andre samfunnsinteresser. Arealbehovet ses i et regionalt perspektiv*».

I Stortingsmelding 16 (2014-2015) om Forutsigbar og miljømessig bærekraftig vekst i norsk lakse- og

ørrettoppdrett, står det mellom anna at «*den regionale og kommunale arealplanlegginga er viktig for å sikre dei langsiktige arealbehova i fiskeri- og havbruksnæringane*», og at «*samtidig som ein set av nok areal til framtidig havbruk, må ein optimalisere bruken av allereie tildelt areal, og ein må legge vekt på miljøomsyn*».

I Regional næringsplan for Hordaland 2013 -2017 er havbruksnæringa trekt fram som ei av dei viktigaste næringane i fylket. Havbruksnæringa er viktig for verdiskaping og for sysselsetting i distrikta. Næringa har potensiale for vekst og utvikling og det er heilt avgjerande at fylkeskommunen er med på å leggje gode rammevilkår. Areal til produksjon av sjømat er ein viktig faktor. I Handlingprogram for næringsutvikling i Hordaland 2016 er eit av innsatsområda innan marin sektor å «*sikre næringa areal for berekraftig vekst og utvikling*».

Akvakultur i Samnanger har p.t gjeve løyve ved 2 sjølokalitetar. Ved lokalitet Sagen 2 er det etablert eit grønt løyve. Her skal selskapet m.a. forplikte seg til å ta i bruk teknologiske eller driftsmessige løysingar som, samanlikna med løysingar som er i alminneleg kommersiell bruk, reduserer miljøutfordringane vesentleg.

I tillegg er det etablert landbasert anlegg for produksjon av yngel og settefisk av laks og aure samt produksjon av fleire marine artar.

Ein avgjerande faktor for å kunne utnytte havbruksnæringa sitt produksjonspotensial er tilgang på eigna areal til sjømatproduksjon, og at arealet som vert sett av til dette formålet, vert utnytta på ein best mogleg måte.

Etter akvakulturlova sine §§ 6 og 15 første ledd kan det ikkje gjevast løyve i strid med vedtekne arealplanar etter plan- og bygningslova. Dette er vidareført i laksetildelingsforskrifta § 30 bokstav d og marinfiskforskrifta § 7 bokstav d, der det går fram at lokalitet for akvakultur kan klarerast dersom det ikkje er i strid med vedtekne arealplanar etter plan- og bygningslova. Det same vil gjelde for endringar på allereie tildelte lokalitetar. Heile oppdrettsanlegget i overflata inklusiv førflate, fortøyinger og ankerfeste må i planen ligge i areal som er planlagt for dette føremålet.

Hordaland fylkeskommune forvaltar akvakulturlovverket i Hordaland fylke. I samband med planlegging etter plan- og bygningslova har fylkeskommunen lovfesta rett og plikt til å medverke i det kommunale planarbeidet (PBL §§ 11-4,5) for å ivareta statlege og regionale omsyn, og for å medverke til at planen får eit godt fagleg fundament. Hordaland fylkeskommune ser det som særleg viktig at kommunen gjennom arealplanlegging legg til rette for ei berekraftig og lønnsam utvikling innafor akvakulturnæringa.

Plan- og bygningslov, plandelen, har verka sidan 01.juli 2009 og særleg sentralt i høve til planlegging av sjøareal tilknyta akvakultur er PBL § 11-7 pkt. 6 Bruk og vern av sjø og vassdrag med tilhøyrande strandsone og § 11.11 pkt. 3 Bruk og vern av vassflate, vassøyle og botn og pkt. 7 Kva artsgrupper eller artar av akvakultur som einskild eller i kombinasjon kan etablerast.

Den regionale og kommunale arealplanlegginga er viktig for å sikre dei langsiktige arealbehova i fiskeri- og havbruksnæringane.

Arealplanar bør tilpassast akvakulturnæringa sine noverande og framtidige behov. Rulleringa av sjødelen av planen bør gjerast i dialog med alle partar dette vedkjem, og særleg med næringa, offentlege etatar og i lag med nabokommunar som grensar til dei same sjøområda.

Klima- og naturessursseksjonen i Hordaland fylkeskommune har høg kompetanse på akvakulturplanlegging i sjø og er opne for eventuelle spørsmål i samband med dette.

Det er viktig at kommunen planlegg områda for akvakultur store nok slik, at ein tek høgd for næringsutvikling både med omsyn til omstrukturering av lokalitetane og mogleheit for ny teknologi og nye artar

Hordaland Fylkeskommune meiner og at kommunen bør legge inn fleire nye områder, med tanke på at dette er ei næring i rask utvikling og det kjem stadig ny teknologi og nye artar innan akvakultur. Kommunen bør difor vurdere grundig om det er fleire område som egnar seg til akvakultur i kommuneplanen.

Det er særstakt viktig at kommunen planlegg godt slik at ein ikkje får trøng for dispensasjonar etter kort tid. Blir områda for små kan dette vanskeleg gjøre anleggs- og fortøyingsutskifting innanfor arealplanen, og ein vil kunne få søknad om dispensasjon frå planen ved mindre endringar på lokaliteten. Dette vil vera uheldig i tilfelle der verksemder vil skifta ut eldre anlegg med nyare og til dømes meir rømmingssikre installasjonar. Dette gjeld for område med plankart id A02 Djupedalen, A03 Nygård/Steinastykket og A04 Hetlevika.

Avstanden mellom A02 og A03 kan sjå ut som om er noko kort, dette med tanke på fiskesjukdommar og smitte mellom einingane. Det er kun totalt ca. 800m på tvers av fjorden ved Nygård.

Område A01 blir no utvida for settefisk på land. Hordaland fylkeskommune reknar difor med at kommunen har vore i kontakt med oppdrettar om dette.

Fortøyingane til akvakulturanlegga ligg i dei fleste tilfella utafor området av sett til akvakultur. Føresegnebørsupplast med at det er høve til å leggje fortøyinger og forankringar i fleirbruksområde utafor området avsett til akvakultur. Det er viktig at føresegnevert utforma på ein slik måte at til dømes utlegging av nye fortøyinger frå eksisterande oppdrettsanlegg med ei anna plassering enn tidlegare kan handsamast etter akvakulturregelverket utan ei kommunal dispensasjonshandsaming i forkant. I fleire vedtekne arealplanar er det tek høgde for dette i føresegnebørene. Eit døme å slike føresegnebørsupplast:

## **"6 BRUK OG VERN AV SJØ OG VASSDRAG, MED TILHØYRANDE STRANDSONE, PBL § 11-7 NR. 6**

*Bruk og vern av sjø og vassdrag, fleirbruksområde*

*6.1 Føremålet er fleirbruksområde for natur, friluftsliv, ferdsle og fiske, jf. pbl § 11-7 nr. 6.*

*6.2 Tiltak eller inngrep som er i konflikt med natur, friluftsliv, ferdsle eller fiske er ikkje tillate, under dette flytebrygger og kai'anlegg. Dette er likevel ikkje til hinder for naudsynt fortøyning av anlegg for akvakultur eller utlegging av sjøleidningar for vatn, avlaup, varmepumper, straum- og telenett.*

*Heimel: Pbl § 11-11 nr. 3.*